

白
蘇
齋
類
集

白蘇齋集序

高江東峽七百里然後雷瀉東注
于剡岳武黃之間猶之思瀾言泉
停滙膈臆透咽而出名成大聲雖
嘗一聲于黃之夢澤再聲于興國
之觀鵝前後相去復寡寐數十年

于是蓄極聚聲于公安之袁氏昆

季而太史公既以明經大魁天下

公兄也

更自別啓靈竇別主氣格與中郎

小修獨唱互賡陡闢門戶于越舌

應聲世界蓋不必以詞翰整名理

不必以名理碍性宗又不必以詞

翰宗理規々上合乎秦漢唐宋而
惟畢運我真用詣萬情々契真々
生新祇見情々新來筆々新赴々
不自知其筆之快于言々之快于
情而為詞翰為名理為性宗種々
頭々提人新情換人新眼稱

有明自闢大家也觀此則太史見
地已足自雄柰何前借白蘇標其
齋集豈非以白蘇兩公其心忠其
學禪其人達其官皆曾翰林而白
無兒蘇躁吻俱足以況邪但香山
東坡年各四十四始承司馬團練

之謫而太史即直腸矢口品地自
嚴方官侍從名位日上忽焉隕落
年僅四十有二竟免而公風波地
面然讀其仙宦臺榭鷹隼腥羶及
嗽名多局面謀國半嗔心句使得
年劉白蘇則湓江赤壁亦應保有

此處此太史生平可得同于白蘇
者乎若曰韻言近白大篇顯蘇又
非後人涎沫自開門戶之意故讀
之者第審味之曰白蘇齋不當以
白蘇詩文看作白蘇齋集可也

海鹽姚士麟并祥叙

白蘇齋類集目錄

一卷古詩類

過黃河

訪陳晦伯先生留飲

題瘦馬卷

送吳尚之太史告歸

題栢溪沈先生墨竹

題司選君寒玉軒卷

白燕篇為元馭閣老

顧仲方画山水歌二首

寒食有感

詠懷效白

壽亭舅贈我宜興瓶茶具酒具喜而作歌

書讀書樂後

詠懷

暮春鄒生邀嘗思立諸公游高粱橋即事

曾元和邀飲靈慧寺同諸公賦

送劉都諫謫遼陽

夏日高戶部循卿招飲

二卷古詩類

新正三日雪窓早起 獨坐

對酒

劉都諫致酒一麾賦

夢花

報謁

和東坡戒殺詩遺陳季常韻三首

附東坡戒殺詩

夜展張翮集

元宵

源禪遊吳造沉香佛像及諸經歸峩峩山二首

陶石簣寄書

結社二聖寺

讀小脩南游稿三首

偶成

桂闌黎牧余題壁詩

偶成

北叢

新野道中

保安驛道中

過蘄葉城有感二首

宿古驛

登熱雲山葛仙鍊丹處

飲禹州李氏園

暮雨

渡黃河

高村店大風

早發臨汝道中憶弟 將抵都門

挽同年李檢討四首 別陶編修石簣四首

五卷今體

飲楊刺史園二首 送武陵胡元父令瑞昌

送邵少叅之蜀二首 聞顏尚寶質卿稱病有感

飲顏質卿齋頭同潘去華限韻賦二首

六月三十夜同蕭允升過黃思立齋頭

談禪贈黃太常思立 蕭資善允升

趙御史貞甫

夏日小齋雜興六首

過脩竹館贈朱汝修 夜月登樓偶成二首

月下蕭允升願開雍集小齋二首

冬日齋中即事二首 同黃昭素飲願升伯齋

晨起 閨人禪誦喜贈二首

讀李洞詩 春日閒居三首

即事 偶得放翁集志喜效語

賦得錢月似新月 黃主客邀送高戶部

雪後出長安門見西山甚近

花下 京察見部自嘲

初春和放翁韻二首 即事

雪晨入直 有感戲作

火神廟道士 送朱太史冊封榮藩

顧太史奉命如梁 送李太史齋詔之浙

壽舒翁大行父 送奕山母舅之任二首

送別謝在杭司理東昌二首

五日同鍾樊桐黃慎軒方子公及兩弟飲崇國

寺僧房得家字 壽鄭大司馬

送王以明例貢歸 偶題

同惟長舅讀唐詩

看華嚴經

有感

雪中興惟長舅飲酒

送邵太史冊封唐藩

六卷絕句

鼓吹

翻前意

過黃梁夢三首

銅雀臺

行衛輝村中二首

即事

過鄆城讀公孫大孃弟子舞劍詩有感

發遂平

信陽道中即事六首

山中看雲

青石橋二首

三日山行山盡有感 送李吉士予告南歸

送潘柱史謫閩三首 飲小脩所攜惠泉四首

黃梁夢戲題二首 仙人洞二首

萬猿書屋 天均洞

荷花池 兩岸芙蓉

春色滿園 四面琅玕

天香噴道 蟠栢亭

桃花洞 五老峰

滙清亭

長春堤

六言四首

題漁唱晚晴冊四首

見白鬚

死心和尚披剃六首

題雙寺画

竹

七卷館閣文類

真正英雄混戰戰兢兢來

刻文章辨體序

性習解

刻文中子序

擬翰林院學士題名記

忠清仁辯

評春秋列國大夫優劣

救荒奇策何如

士先器識而後文藝

八卷館閣文類

乞進講大學

疏

一貫忠恕說

阿河議

擬遼東剿平東夷賜給總督薊遼都御史誥文

毛穎陳玄四君傳

荆玉海序

皇祖成功文章頌

玉壺冰賦

九卷序類

叙守考績序

李母壽序

鄒翁壽序

江陵涂使君任黃岡序

葛醫序

唐醫序

顧使君考績序

壽封公鄣龍川七袞序

易太孺人八十壽序

十卷序類

戶部侍郎王見峰七袞序

通州吳刺史考績序 賀邑鄒太孺人節壽叙

送夾山母舅之任太原序

牟鎮撫序

壽徐母沈夫人五袞序

賀陽曲金令君父母榮封序

嘉祥縣志序

北游稿小序

十一卷誌狀祭文顙

金太宜人墓銘

孝廉張廣源墓誌銘

巡撫福建右副都御史傅野司公墓誌銘

明吏部尚書汪公墓誌銘

衡江鄒先生墓誌銘 贈太湖知縣王公墓銘

十二卷誌狀顙

封知縣劉公墓誌銘 陳慶士墓表

廸功郎南安少尹方先生行狀

外大母趙太夫人行狀

十三卷祭文類

祭鄒姻家汪孺人文

祭外大母趙夫人文

祭鄒金吾妻

祭盛老師文

祭蕭孺人

祭李年伯文

祭兵部尚書張公文

祭龔鴻臚吉亭母舅文

祭王老師母文

祭鄒南皋母夫人文

祭太常少卿趙連城

祭李年伯母文

祭王老年伯文

祭葉太師母文

祭原任中堂高老先生夫人文

祭劉封公文

十四卷記類

游西山一

游西山二

游西山三

游西山四

游西山五

戒壇山一

戒壇山二

上方山一

上方山二

上方山三

上方山四

小西天一

小西天二

游九龍池

顯靈宮西閣

顯靈宮栢

三聖菴紀遊

極樂寺紀遊

三忠祠紀遊

錦石灘

岳陽紀行

嘉魚紀遊

大別山

龍湖

江上遊紀

二聖寺遊紀

十五卷箋續類

答梅開府先生

又答

答編脩吳尚之

潁壽亭母舅

答汪提學靜峰

啓王荆石座主時家居

梅開府寄蚩鼠

劉都諫

梅開府

陳學博

湯義仍

黃司業穀菴

又答

答陳徽州正甫

李卓吾

又答

又答

梅開府

馮侍郎珍菴

陶編修石簣

又簡

十六卷箋牘類

董章丘

某邑令

大人書

答江長洲綠羅

黃慎軒

梅開府

母舅遜亭先生

母舅壽亭先生

薛大叅青雷

答蕭贊善玄圃

答王衷白太史

徐惟得

王袁白

李宏甫

答陶石簪

答同社

又答

答友人

答駱儀部

答友人

答劉光州

答友人

答趙侍御貞甫

答友人

簡友人

又簡

韻吉亭先生

答姚侍御

答楊貞外肖墨

寄三弟

又寄

答陶石簣

答陳提學

十七卷說書類

讀大學八篇

讀論語四十五篇

十八卷說書類

讀中庸二十六篇

十九卷說書類

讀孟子二十六篇

二十卷雜說類

論文上

論文下

論大人小人

論用才

不肖

讀子瞻范增論

論留侯鄼侯踪跡

論謝安矯情

讀淵明傳

儉約

二十一卷雜說類

論隱者異趣共三十一篇

二十二卷雜說類

共八篇

目錄終

白蘇齋類集卷之一

公安袁宗道著

弟

宏道

中道

參校

古詩類

過黃河

飛蓋霽色新
爽氣來青嶂
行行見洪河
洪河流湯湯
津吏向我言
夜雨添新漲
一葉凌浩渺
沸波濺其上
鼓棹度中流
東西迷所向
雷車爭砰鉤
雪屋互排盪
兒女色如土
老夫神猶王
自矢管公誠
豈憂蔡姬蕩

篙師若有神布帆遂無恙三老顧何能呵護賴神貺
腐儒一寸心幸哉天吳諒刺刺撫兒女無庸太惆悵
宦海多風濤絕勝洪河浪

訪陳晦伯先生晦伯留飲齋中有述

生平嚮大雅遂得窺外屏青嶂排傑閣綠竹淨西軒
烏几羅萬軸鳥跡辨三墳媿予蟲管測賄此搖心魂
眴目宛委洞旋面海若門牆繼日云夕篝燈還細論
兒饒湛綠醕塵尾散玄言把臂須臾間鄙懷雜具陳

題瘦馬卷

此馬泥來號駮駟漢庭九逸應難擬躑躅朝隨廣莫
風連翻夜度虞淵水一自長鳴起渥洼雙瞳如鏡氣
如霞陌上驕嘶逢紫燕溪頭弄影見桃花越塊過都
真可羨緹橫滅沒凌飛電時去黃金燕市空淒來白
練吳門短幾年躑躅老風塵一朝脊力盡騫騰土蝕
驄花生黯澹霜欺病骨太稜層十年棄置向沙場伏
櫪壯心殊未央垂頭却憶長楸道咄哉胡不遇孫陽
他時解纜逢知己雕鞍玉勒黃金珥努力猶堪馳萬
里九衢四野任君使

送吳尚之太史謁告歸桐城

與君三載游燕市方內共結煙霞侶清夜焚香禮法
王臨風揮麈談玄理君今拂衣歸皖城伊人遙在江
水濱一片素心向誰吐三車疑義向誰論萬事無如
歸去好有足何妨蹈三島看君匹馬度春明使我心
飛邯鄲道

題栢溪沈先生墨竹

栢溪先生二室英手扶雲漢披瑤瓊床頭百斗自浮
湛胸中五車闢縱橫興來和墨掃生絹幅幅宛出淇

圓清古色莽蒼風而黠元氣淋漓鬼神驚珍重一竿
世稀有已覺渭川無干畝瑟瑟霜葉動秋濤冥冥煙
幹蟠蒼虬瞥睹寒氣生兩腋白雲冉冉墮虛曠遙想
盤礴落筆時瀟湘失色神龍走吁嗟沈翁直節似此
君脩脩得意蕙得神湖州太常非其倫

題司選君寒玉軒卷

噫嘻江陵豈無千樹橘千畦韭何不擅此比素封那
用萬竿脩篁繞前浚君言長物無所愛生平愛與此
君友縈沙帶水通三徑斷雨畊煙開數畝結實紉綸

啄鳳凰老幹交加象蚪蚪秋靜寒濤生白日夜永涼
颺散虛牖綠戶腫朧月自過紅塵却掃雲為第主人
高節干雲霄寒玉青青可與偶只今文昌懸藻鏡共
羨清白豚瓊玖不見江上草堂慈菴間圖書之外復
何有此中應許二仲過倘容素粲相從否

白燕篇為元取閣老賦

我聞玄鳥產句曲數千年來化為白素質本孕瑤光
星玉姿豈比零陵石雲波日影泛參差酒泉事遠見
應稀不向烏衣國裡來偏宜白玉堂中棲荆花爛爛

蔭倚蕪蘿火媚始映雙羽輕沾弱絮迎柳風開趁粉
蝶度花雨柳風花雨春未安雕梁桐戶任飛翔影寫
瑤池寧異色泥銜珠箔但聞有人間粉黛誰堪匹雅
黃翡翠無顏色簾前拂羽詎相見幕中巧語暫相識
朝朝翻玉砌暮暮度水涯暮度渾如侵月色朝翻疑
是帶霜華霜華月色相凌亂遊絲冉冉迷歸翰豈逐
流鶯媚綺羅宜隨野鶴凌霄漢君不見啁啾業棘枵
無穀惟有皓質稱天女高閣曾聞集上真仙禽自合
來縣圃又不見道康堂上喚景怡感卿盛德來相依

古來良禽多擇主肯傍尋常庭戶飛不信主人清比
玉請看雙燕玉為衣

顧仲方画山水歌

良朋投合真有時十載聞名不相知偶爾相逢楊子
宅劇談浪譁忘還期晚合猶勝不相遇傾腸倒腹忘
新故只道長同薊北遊何意便向江南去君家別業
冠江南枕上青山滴翠嵐密竹繁花迷鳥迹交疏疊
榻到魚潭日高酒醒良賓集翩翩手搦生花筆險韻
押傳詩客和新腔填付歌兒習錫泉酒美海螯肥玉

殘金盤列繡幃顛狂肯問烏巾落奮擲從教塵尾掃
朝朝暮暮停車馬嬌歌急管催三雅杯放香泉月並
流曲度南樓雲在下人生朝露復何疑君歸行樂正
及時醉月醉花洗所好聽絲聽肉詎言疲自歌自吟
還自壽身前之名身後酒才絕画絕智太絕君家名
士誰堪偶江南樂事難具陳管領金谷須高人曾霸
丹青何足貴終日坎壈纏其身

其二

吾觀仲方画不從諸家入亦復不從十指出直是一

片豪性俠氣結為塊端以酒澆之不能止忽爾逆散
落樵素偶然濃淡分山水吾不知溪山之貌仲方仲
方之貌溪山無情有情含裹那可辨復有袁生失足
泥其間數日苦熱對公所作寒江流百駭濃濃化潺
湲心魂清冷絕塵滓恰逢投磔始驚還却笑凡手拋
擲胸中活山水湯浚死骨求筋髓縱然逼真君家願
長康抵掌虎頭徒為爾噫吁嘻俗眼賞鑒皆如此不
重真骨重形似

寒食有感

荒村鬼火燒枯樹照見一片傷心處
古屋直西黑樹林暗風淒雨愁殺人
堂上姑堂下婦短命兒薄命母
新魂舊魂一處所老鴿呼風夜啼虎
白日自寒天自黑有子爲官如何益
衆臺緩急不得力兒生三十亦良艱
爾孫相見能傳言慎勿爲兒傷心肝

詠懷效白

人各有一適汝性何獨偏愛閒
亦愛官諱譏亦諱錢
一心持兩端一身期萬全
願此而失彼憂愁傷肺肝
人生朝露促世福誰能無
裴相豈不達髮白方壯年

北窓高卧人垂老，缺朝飡良無立。壑貴安有火食仙，
陵谷且難平。稊米寧不然一毛附馬體，安問缺與完。
角者奪其齒，飛者不能潛。鵬飛不笑鶯，愛行不愛蟬。
爾莫信爾意，兩粥擁衾眠。

壽亭舅贈我宜興瓶茶具酒具一時精美喜而

作歌

吾舅贈我宜興瓶，色如羊肝堅如石。吾家復有古銅
鑄蓮子，枯硬土花赤。茗品長興第，虎丘釀法蘄州兄。
三白酒苦茶香，是我事從此瓶。鑄不虛設，虛堂寂寂。

門下捷輓無一技送晨夕讀書覺眉重臨池嫵腕拙
世間百事百不能乍可衡茆甘跼踖雲心齋前一片
地斑駁苔錢紅間碧珊瑚漆几博山爐拂竹梢花巧
排列左置鐺右置瓶大奴燒松根小奴滌窰罍坐愁
湯老手自瀹纔聞酒響涎不禁三杯好顏色七椀生
寒栗清冷頓覺肝腸換磊塊都從毛孔出劉伶頌酒
不頌茗屈生愛醒不愛醒醒醒中間安置我日日挈
鐺與挈瓶况我此間蓬蒿宅徧性畏人稀見客此物
湖海清狂流能改吾短鬣吾癖鐺也老友瓶小友竹

也此君丈也石日與四子相周旋共我山房呼五一
紛紛交態何須數誰似爾我真莫逆

書讀書樂後

龍湖老子手如鐵信手許駁寫不輟縱橫圓轉輕古
人遷也無筆儀無舌一語能寒泉下膽片言堪肉夜
臺骨我自別公苦寂寞况聞病肺那忘却忽有兩僧
鼓公書乃是手書讀書樂自誇讀書老更強膽氣精
神不可當歌笑無情有真樂問公垂老何飛揚詩既
奇崛字道絕石走巖皴格力蒼老骨稜稜精炯炯對

此恍如坐公傍。龍湖老子果希有。此詩此字應不朽。
莫道世無賞音人。表也寶之勝瓊玖。

詠懷

矯矯陶彭澤。飄飄賦歸田。六月北窓下。五柳衡門前。
肴中將漉酒。有琴壚上絢。老死無儲粟。扣門語可憐。
亦有白居易。分司饒俸錢。既卜洛中宅。常開花下筵。
侍兒鬢素妓。賓客韋劉賢。楊枝歌子夜。霓裳舞春煙。
伊余慕古人。冉冉迫中年。踟躕忽已久。未得一日歡。
幸有祖父廬。蕪之江鄣田。雖缺聲伎奉。不乏腐儒餐。

為白非兩望為陶諒難堪。揣分得兩處將處陶白間。
暮春鄒生邀黃思立諸公游高梁橋即事

柳帶枯晴空寒鏡開清潭長眉三十里波底見行驂。
雕弓簇小墜茜衫逐冶男西山如螺髻萬黛滴僧藍。
長歌吹細縷酒氣成煙嵐覓母出窺人菱蒲綠鬢髮。
時聞惠連語蒼翠似江南

曾元和邀飲靈慧寺同諸公賦

驟馬出塵海入門聞午鐘。捎天樹輪囷委地竹龍鐘。
佛衣存古摺僧老帶山容。經案列野藪禪板付歌童。

西日射飛閣霞裾凌虛空萬井排蜂房九陌喧牧虫
歸騎踏飛沙耳後生長風

送劉都諫謫遼陽

立志為諍臣萬死應不悔含笑辭白髮結束向遼海
遼海急兵戈山高集犀鎧久與狡倭持戰氛何時解
萬里調客兵餉絕兵饑餒脫巾侮大將易若捕蟲豸
未戰心先攜兵驕將復猥百無一堪用可恃復安在
君行好折衝旄節久相待勉矣立功名身為國溝壘
夏日高戶部循卿招飲大通橋同黃太常恩立

張國博升閣項叅知庭堅及舍弟中郎

一望皆林塘孤亭臨水際連轡四五人一揖易巾屨
主人陳尊壘花下趨人吏兩行禮壓酒百巡車行哉
長艘潞河來人衣沾草翠潭影見軒窓游魚呷亭宇
散坐捐煩苛縱談忌忌避水風醒心脾百罰不成醉
舟行窮幽奧目境轉奇邃臨涯逼懸流萬雷擊山墜
對面不聞語但見口開闢水柱萬條直雪巖千片碎
側身奔石間趾酸心病悸歸卧北窓下枕邊聞水氣

白蘇齋顓集卷之二

公安袁宗道著

弟 宏道
中道 叅校

古詩類

新正三日雪窓早起

雪窓耀眼明披衣起梳櫛鏡光合雪光光欲透膚革
面紋千百條旁行相虬結白髭藏鬚中似欲逝剪鐸
近服首烏丸我首何曾黑回念四旬間悲歡幾經歷
愁極埋胸臆年深愁花叢綢紋乃蓓蕾霜毛為枝葉

辟彼治田人種麥而得麥仙藥豈能復况餌木與石
白黑亦何殊毋強生分別且覓般若湯一澆磊塊穴

獨坐

天驅赤白丸通我東西奔無履亦無足来往何頻頻
坐令六合內咄嗟換寒暄投身冰火聚誰能自騰騫
我生閱新春已歷四十番闌入朱紫業驚馬隨鵬鷗
寒熱穿骨髓憂畏攻心魂有似魚入網又類蛇居樊
今晨雪雲重昏昏朝捷門結跏擁敗衲真稱僵卧袁
逢滑呵凜絕密室誰晤言凍雀撲紙窓饑鼠窺殘樽

呼酒聊取適告樂未須論

對酒

美酒入犀杯微作松栢氣佐之芹與蒿頗有山林意
不用烹豬羊酒清忌肥膩類有三日紅囊無百錢費
不費復不饕養財兼養胃都門仕宦者獨有二樂事
第一多美酒第二饒朋輩欲得不思歸呼朋時一醉
劉都諫左遷遼陽別數月矣遠致酒一甕為之

大醉數日

劉君別我久遠餉酒一甕甕大容五石肩夫雙臂痛

清比惠井泉白如雪山
渾因憶去年事朝議同聚訟
都諫上封章語意帶譏諷
逐向遼陽幕官微名轉重
沙磧驅凍驢貰酒無餘俸
佳釀及故人得微減朝饔
連晨開甕飲昏花盡如夢
簷曝取殘經揩眼逐字誦
斜日射階雪熠熠金沙動

夢花

夢中叢桂開香蔭籠數畝
黃粒肥於豆蒼枝大如肘
一笑開清樽折柬邀詩友
忽悟客燕城老桂何從有
以手急捫摸驗是真花否
頗覺花非花不悟手非手

一夢雜惺迷真妄誰能剖豈惟夜夢花亦有畫生柳
此事寔難知試問逍遙叟

報謁

杜門閒七日頽然忘身世如入山裏山散髮坐青靄
夢中聞馬嘶五內湯火沸青袍冷于鐵難着膠堅鎧
病馬負癩夫衝泥穿闌闌忙殺坐禪身生憎六摺刺
東坡作戒殺詩遺陳季常余和其韻

念爲生身按業爲潤生汗夏化萬形骸胎卵及化濕
共居佛土中謀生各自得楚痛誰能堪相戕何太急

水珍炮鮭螯陸羞燔鶩鴨俎豆萃賓朋歌吹喧簾幕
以彼徹骨慘博我雙頰赤猶恨金盤內肪膏少肥白
運箸風捲雲剝脂汚巾幘可憐橫死魂繞釜啾啾泣
蔬果宜胃腸此味真可缺人羊遞往來循環作主客
塞耳經所辭清虛道自集

又

饑來喫白粥渴來啜茗汁六時經行裡鉢盂兩度濕
清齋擁衲眠清福誰消得人命呼吸間年光敲石急
因口造重罪曾不異雞鴨萬錢充一餐金玉燦紗縠

腸腹粟粟黃虬脯珊瑚赤剔骨積山高棄脂塗地白
人亦大可怖猛虎而冠幘胎魂能入夢變形訴且泣
食經并食典妖篋胡可缺獲獄受煮人是昔豪華客
五辛六當屏穢吻饑鬼集

又

三日不飲酒無異蝸吐汁一日不食肉有似魚離濕
放箸條已空一飽竟何得口腹我所緩性命彼甚急
渾沌笑蚶蠣闇弱欺雞鴨血色蝕刀礮腥煙蒸帷幕
不思味報身鐵網火洞赤一念懺積愆黑業立化白

辟如遇赦囚鉗銖換冠幘戒刀殞虛空魔王盡哭泣
世典不戒殺竺書縫其缺採毛可薦神烹葵堪邀客
斷殺從此始無令冤垢集

附東坡戒殺詩

我哀籃中蛤閉口護殘汁又哀網中魚開口吐微
濕剝腸彼交病過分我何得相逢未寒溫相勸此
竄急不見盧懷慎蒸壺似蒸鴨坐客皆忍笑髡然
穀其羃不見王武子每食刀機赤琉璃載蒸豚中
有人乳白盧公信寒陋衰髮得滿幘武子雖豪華

未死神先泣先生萬金驛護此一蟻缺一年如一
夢百歲真過客君無廢此篇嚴詩編杜集

夜展張蠙集誤潑酒其上戲作

一生慣落第結愁深貫骨化作怪哉虫鬢鬢亂卷帙
毒氣著人胸好懷衮蕭瑟得酒應消糜餘樽解吾戚
元宵

獨倚寒簷看明月月穿凍枝射衣白火彈指天聲叱
叱猛省今夕是元夕六衢今日人如蟻到處筒花吐
金盞三更煙滅游人歸月洗天街淨如水筒花開謝

何匆亟馬上看花人嘆息不知花笑看花人轉眼豪
華也銷歇白蘇居士大耐酸菜盃粥碗空團團木葉
瓦缸光爛爛不須更買彩燈看

夏日黃平倩邀飲崇國寺葡萄林同江進之立
長孺方子公及兩弟分韻得閣字

數畝葡萄林濃條青若若垂藤如旛旌布葉如帷幕
交蔦為寶網綴實成瓔珞蜩蟬遁代響清越鈞天樂
寒泉繞膝流坐久怯衣薄霞外四五朋一笑破纏繳
依岸排繩床科頭兼赤脚語或禪或玄雜之以詆譭

露葵帶雨烹雪芽揀水瀹石砌滴琤琤銅鐺鳴霍霍
晦陣分兩曹奮不如此搏百罰嫌饒小取鉢代杯杓
錦江氣豪宕新都質文弱其餘盡楚人賦性俱脫畧
鄉語雖麤醜動塵珠錯落三伏此中消萬卷束高閣
題馮中允貞壽冊

鬱鬱山上松適與秋風會貞黹冒霜青亭亭直如蓋
黃口鳳凰雛依條鳴噦噦清響激層霄錦羽如飛旂
一自兩天亡淋媛在顛沛從逝豈不芳立孤事為大
臆此藐諸身丐裘絮是賴含血傳遺書文成起光怪

植身銅馬間九域望霽霽風膏明滅中返危以為泰
丈夫何必能一聞一感慨

又

日夕侍瑤山徘徊銀榜側我見大鵬君溫溫玉比德
清心符令顏中懷淨若拭巖象與風夢之子終當協
竹孫有高標鳳雛無短翼母德夫如何孤寧不修飭
如母所關係不獨在一宅育子為名臣功終歸社稷
六珈固已榮亨途方始陟

送峨嵋僧清源時源請有檀香佛刻鏤甚精

師凝峨眉來往還經幾宿茲山聞竅高幾許到天竺
歸行遍天下無乃是神足諫身入梵宮鑲此旃檀佛

金人捧劍篇

閻試

長安佳麗逢上巳秦主開筵面曲水風送鶯聲雜管
絃柳拂晴煙澹羅綺此時歌舞臨高臺千鐘萬騎絲
徘徊瞥睹金人騰曲水手提三尺何雄哉神物由來
經百鍊龜文龍藻相淩亂寒光燁奕動流星紫氣緋
橫燎飛電乍看出匣氣干雲莫邪失色風胡驚歛忽
青天風雨黯慘淡白日虬龍嗟芙蓉為鐸珊瑚把神

彰陸離照四野令君此際威中原令君此際制西夏
于時秦王氣轉驕戈鏃臨風風怒號太原以東無王
氣函關萬里絕鳴鞘英雄轉眄已沉淪阿房只今舛
青青此劍毋乃歸延津靈秘何年出水心噫嘻吾將
攜此清邊塵

駕幸石景山臨觀渾河見水勢洶湧因念黃河
時有衝決面諭輔臣經理須要得人復

命作詩恭紀

閣試

鸞輿回峪嶺羽騎度巖河仰睇石景山俯瞰桑乾河

桑乾水流何太急狂飈捲浪高千尺浮漸穿石吼風
雷新漲奔崖亂雲日聖主顧且驚拊髀呼近臣僅
一衣帶水泛濫愁吾人况復河源來天上湯湯百折
怪龍門盤旋九曲銀潢轉澎湃八紘滄海翻頻年徐
邳無安流白日蛟龍走林阜繼有田閭豈足依即云
疏築那堪久少府徒聞請萬緡天吳時復憂千畝金
簡誰嗣數土功到奎應待濟川手微臣稽首頌吾
皇儼予今復繼陶唐欲笑秦王稱德水還輕漢武築
宣房坐令蒿萊化禾黍還教沮洳衰康莊載德老農

歌擊壤洪河萬里浮榮光

白蘇齋類集卷之三

公安袁宗道著

弟宏道
中道 叅校

今體

真定道中

馮高聊引睇。草色上征裾。垣斷暮山出。沙平江樹疎。
清齋甘首蓿。適意任蘧篲。問我年來興。東溪足釣魚。
憩有斐亭

空亭堪徙倚。一水帶踈林。亂石含芳草。危橋度遠岑。

野垣還竹色。淇澳尚泉音。豈不懷君子。高踪何處尋。

歸興

家傍青山曲。門當綠水斜。長巒通畎澮。古木間桑麻。
吾欲學為稼。將無遂及瓜。還同歸里日。預已惜離家。

游百丈泉

青嶂岩峩赴郢東。寒泉飛處鬱從龍。諸天晴灑千林
雨。六月涼生萬壑風。小入傍崖驚浴鷺。斜穿曲澗掛
飛虹。片時徙倚翻成惜。只合移家老此中。

儲館中兄弟游東郊即事得東字

芳艸平原極望空一尊
紺殿與君同千畦醉踏松杉影
萬馬驕嘶首縮風白日悲歌從似侯
青春說劍更誰雄
張星應識高陽侶咫尺關門紫氣東

題朱兵部竹軒

憐君卜築處脩竹帶長巒
月落千林靜風生萬玉寒
韻清宜在耳色秀悅堪餐
若遇徂徠侶還將六逸看

其二

微尚依高節何能失此君
秋濤生白日煙幹入高雲
清冷絃中意宮商坐外聞
會心寧在遠咫尺絕塵氛

題宮樹春雲卷

絳闌連宵迥重樓。拂曙通山嵐。清翠外花氣郁。綉中
鳴鳥嬌芳樹。輕煙散景風。何須臨曲巘。幽意足簾櫳。
送吳體中歸皎城體中與余有淨土之約故詩

中及之

都門與子別。攜手復何時。匹馬從茲去。雙魚慰所思。
微風動寶樹。朗月映花池。此地終同往。何當怨遠辭。
閒雲館

遠徑天疑隔。憑虛境自玄。西山出樹杪。南浦落尊前。

高枕義黃上。逃名綺皓先。凭闌一以眺。雲起澹晴川。

挽周老師九首

赤舄生前事。青編身後名。真樞期已迫。夷履忽無聲。

其二

供奉廿年久。傳經更卓麻。生平公壘鬱。垂老主恩加。

其三

國自憐三鑑。人誰續五車。燕山今夜月。荒艸咽清笳。

靈氣東南歟。平原風雨昏。朱絃沉寶匣。白日黯重閭。

驚馬曾回盼。明珠豈報恩。山陽聞笛處。遠夜帳銷魂。

其四

天意今難問。悠悠可更論。青蠅堪自點。北斗望逾尊。暮雨淒蒿里。秋濤吼墓門。吾家湘水曲。涕淚續招魂。

其五

蠹黷工射影。宇宙公讐才。斗氣三江散。風悲萬壑哀。寧能甘蠖屈。那肯受鷗猜。煜煜餘方寸。報恩心未灰。

其六

藏舟還此日。鳴珮憶前辰。神理知難盡。音容恍可親。

青旻看馭鶴。夜雨泣亡麟。我輩徒酸鼻。誰堪贖此身。

其七

萬里南歸路。柔條一夕哀。陰風生宰樹。燐火照孤帷。
不盡羊曇淚。無窮宋玉悲。所嗟梁木壞。何止哭吾私。

其八

天賜滕公室。朝分少府錢。東笏俱上客。清酒盡時賢。
衮字千秋重。溫綸片碣懸。階庭雙玉樹。霄漢應蟬聯。

其九

簞有進賢章。家無封禪篇。琴書畧長物。歲月足丹鉛。

不朽中郎筆。新題有道阡。如公堪目瞶。何必羨長年。

送楊太史使淮便道省母

淮王邸第舊稱雄。玉節東來太史公。路入吳疆家尚遠。客遊梁苑賦還工。雲開層嶺梅花碧。雨過千林荔子紅。此日張筵宜壽酒。綵衣象服映簾櫳。

送周太史使魯便道壽伯母

玉節藏鞋出禁城。依依垂柳送君行。重裁東魯靈光賦。誰似西京子墨卿。綵燭昔年傳蠟鳳。稱觴此日借金尊。謝家况復多才子。青艸池塘舊有名。

立春惟長舅無學弟暨王吳兩生同游野寺看

梅三首

古寺逢人少尋香一徑斜
低枝半隱樹深谷易為花
坐久歌頻換尊空酒更賒
索憐僧愛客隨意供新茶

其二

僧隱紫闕裏杯行竹徑中
艸心尚隱綠花蕊未舒紅
近水天難夜高原晚易風
班荆聊共醉車馬莫匆匆

其三

莫惜傾三雅春來第一游
舅甥多雅譁文酒是名流

客有王摩詰人逢顧虎頭東山初吐月酣極轉清幽
是日登寺樓甚幽諸公擬借為社遂各施買酒

餘錢付僧葺窓檻并志

無處堪遊俗高樓遠市塵香雲消永日法雨近諸天
欲借緒經地先分貫酒錢沉酣那可極長此典安禪
立春後六日為分歲會後八日為除夕

栢葉開新會辛盤取次陳今年春事早杯酒日相親
冉冉如流歲蕭蕭見在身忘塵分歲約同是失年人

除夕他時節，祗觴此日開。三盃元不問，二仲喜能來。
人惜年光逸，詩逢暮雨催。家園當臘日，幽興轉難裁。

早春獨坐

朝來獨倚欄，尊酒若為歡。春換江頭綠，年催鏡裏丹。
迂疎生事簡，嬾慢見人難。何計消閒晝，蒼筠好自看。

幽棲

高枕非逃世，幽棲自寡營。宦情方朔澹，家累向平輕。
歲月憂何事，漁樵共此生。空亭對酒處，白雪滿江城。

其二

豈是雲霄客居然江海人
遙惟羊仲過壁以馬卿貧
俯仰終何意踈慵好乞身
已拚閑歲月甘老故鄉尊
携尊江上

郭外同君去清尊對水涯
寒潮鳴艸徑積雪耀平沙
小艇無流急人家逐岸斜
流連歸路晚高柳亂啼鴉
其二

一到江湖上浮生事事輕
寒煙迷古渡白浪抱荒城
兩岸花爭發中流鳥不驚
扁舟如可問一任五湖行
王憲臯稽學滇中歸阻風雪于公安留觴二首

此日成僵卧。何期見子猷。
祥柯萬里到。驕馬一尊留。
小邑饒村釀。長江苦石尤。
無嗟鄉路遠。五日到黃州。

其二

竊愛新年雪。能留竟日觴。
文章化越雋。車馬度瀟湘。
覽勝稱難足。交游感鴈行。
更憐萊子意。把酒獨思鄉。

南平社六人各一首

外大父方伯公

風神只似壯齡時。鶴髮丹顏古接羅。
此日南平白社。長當年中土紫微。
同燈前歷歷。蠅頭字篋裏翩翩近。

體詩江月江花時與賞非仙非隱使人疑

孝廉舅惟學

少年經術兼詞學。中歲空門又道家。服藥前身應許遜。博聞宿世定張華。懷中明月珠堪售。望裡仙路不賒。只恐鳳池須綠筆。難從勾漏問丹砂。

侍御舅惟長

懶慢人間惟晝夜。閒居膝下似安仁。雲霄調外沉冥客。花月尊前感慨身。圓學東陵瓜欲結。家通北渚意堪紉。長鄉此日遊將倦。醉月吟風幸托隣。

中郎弟進士

前年羽獵獻長楊。歸去三湘問鴈行。作賦麗如袁彥伯。通經精似蔡中郎。角巾領袖高陽侶。麈尾憑陵俠少場。夢草真堪對小謝。種花無那去河陽。

小脩弟文學

却憐射虎人難偶。祇覺雕蟲技益工。白日悲歌燕市筑。青春失意楚人弓。隴西不覩稱金友。僕射從今避火攻。如此無官窮亦得。高名誰復杜欽同。

偶成

人間百事違。漸老復何依。濁酒塵緣謾。蒲團戒力微。
雕蟲技總懶。辨馬學全非。更向人天乞。前身百衲衣。
有感

謬將八苦向人論。造物聊蕭不敢言。窮鬼昌黎今到骨。
痛兒下夏乍收魂。梧捲豈識千時調。檇操難酬養
士恩。檢點平生多可恨。排愁懺罪仗空門。

其二

何緣貧病苦相侵。長日拋書卧竹林。遂有二毛愁攬鏡。
祇因八口重抽簪。青山豈得蕪朱綬。白髮由來雕

素心○未有大丹添歲月○不如濁酒任浮沉○